



JAVNA USTANOVA  
BOSANSKI KULTURNI CENTAR  
KANTONA SARAJEVO

Na osnovu člana 24., 27., 28. i 29. stav (1) Zakona o ustanovama ("Službeni list RBiH", br. 6/92, 8/93 i 13/94), člana 7. stav (1) i 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13), člana 1., 13. i 14. stav (2) Odluke o spajanju javnih ustanova kulture u Javnu ustanovu „Bosanski kulturni centar Kantona Sarajevo“ („Službene novine Kantona Sarajevo“, br. 11/19-prečišćeni tekst i 21/25), člana 34., 38. tačka b), 40., 41., 42. i 43. Pravila Javne ustanove "Bosanski kulturni centar Kantona Sarajevo" (br. 1128-01-1/18 od 11.12.2018. godine), te Odluke Upravnog odbora Javne ustanove „Bosanski kulturni centar Kantona Sarajevo“ o raspisivanju Javnog konkursa za izbor i imenovanje direktora Javne ustanove „Bosanski kulturni centar Kantona Sarajevo“ (br. 04-2-492-2/25 od 30.05.2025. godine), Upravni odbor Javne ustanove „Bosanski kulturni centar Kantona Sarajevo“ raspisuje:

**JAVNI KONKURS**  
**za izbor i imenovanje direktora**  
**Javne ustanove "Bosanski kulturni centar Kantona Sarajevo"**

**I-NAZIV POZICIJE I BROJ IZVRŠILACA**

Direktor Javne ustanove "Bosanski kulturni centar Kantona Sarajevo"

Broj izvršilaca: jedan (1)

**II-OPIS POZICIJE**

Opis pozicije direktora Javne ustanove „Bosanski kulturni centar Kantona Sarajevo“:

1. organizuje i rukovodi radom Javne ustanove;
2. zastupa i predstavlja Javnu ustanovu pred trećim licima;
3. odgovoran je za zakonitost rada Javne ustanove;
4. predlaže Upravnom odboru ustanove mjere za efikasno i zakonito obavljanje djelatnosti radi kojih je Javna ustanova osnovana;
5. predlaže Upravnom odboru unutrašnju organizaciju i sistematizaciju poslova i osnove planova rada i razvoja Javne ustanove;
6. izvršava odluke Upravnog odbora;
7. odlučuje o korištenju sredstava u iznosu do 5.000, 00 KM;
8. odlučuje o pravima, obavezama i odgovornostima zaposlenika iz radnog odnosa;
9. podnosi Upravnom odboru izvještaj o finansijskom poslovanju;
10. naredbodavac je za izvršenje finansijskog plana;
11. odgovoran je Upravnom odboru za rezultate rada i finansijskog poslovanja Javne ustanove;
12. učestvuje u radu Upravnog odbora Javne ustanove bez prava glasa;
13. vrši i druge poslove u skladu sa zakonom i Pravilima ustanove.

**III-USLOVI JAVNOG KONKURSA**

Za direktora Javne ustanove „Bosanski kulturni centar Kantona Sarajevo“, može biti imenovano lice koje ispunjava opšte i posebne uslove:



JAVNA USTANOVA  
BOSANSKI KULTURNI CENTAR  
KANTONA SARAJEVO

**Opšti uslovi:**

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije;
4. da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine);
5. da nije osuđivan za krivično djelo i privredni prestup nespojiv sa dužnošću direktora (pribavlja se po službenoj dužnosti samo za izabranog kandidata);
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (lice koje je na funkciji u političkoj stranci ne može biti konačno imenovano);
7. da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u FBiH;
8. da je zdravstveno sposoban za obavljanje dužnosti direktora.

**Posebni uslovi:**

1. da ima visoku stručnu spremu (VII stepen stručne spremlje), ili završen drugi ili treći ciklus Bolonjskog sistema studiranja, jedna od umjetničkih akademija ili fakultet društvenog smjera;
2. najmanje 5 (pet) godina radnog staža u struci nakon sticanja fakultetske diplome;
3. najmanje 3 (tri) godine radnog iskustva na poslovima iz oblasti kojom se bavi Javna ustanova;
4. poznavanje jednog stranog jezika;
5. predložen Program rada ustanove za mandatni period;
6. da se ističe organizacionim sposobnostima.

**IV-SADRŽAJ PRIJAVE**

Kandidat koji se prijavljuje na Javni konkurs, treba dostaviti dokaze o ispunjavanju uslova u originalu ili ovjerenoj kopiji i to:

- potpisanu prijavu,
- biografiju,
- uvjerenje o državljanstvu (ne starije od 6 (šest) mjeseci, osim ako se radi o dokumentu koji je trajnog karaktera),
- ovjerenu Izjavu od nadležnog organa da nije otpušten iz državne službe kao rezultat disciplinske mjere,
- ovjerenu izjavu od nadležnog organa da nije pod optužnicom Međunarodnog suda za ratne zločine u bivšoj Jugoslaviji,
- ovjerenu izjavu od nadležnog organa da nije na funkciji u političkoj stranci,
- ovjerenu izjavu od nadležnog organa da nije izabrani zvaničnik, nosilac izvršne funkcije ili savjetnik,
- ovjerenu izjavu od nadležnog organa da kandidat nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a



JAVNA USTANOVA  
BOSANSKI KULTURNI CENTAR  
KANTONA SARAJEVO

koja djeluje u Bosni i Hercegovini. (Ukoliko je kandidat predsjednik ili član upravnog ili nadzornog odbora bilo koje ustanove, nezavisno od oblasti za koju je ustanova osnovana, priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa navedenih pozicija),

- ljekarsko uvjerenje (samo za izabranog kandidata),
- diplomu o školskoj spremi,
- potvrdu ili uvjerenje o najmanje pet (5) godina radnog iskustva u struci nakon sticanja fakultetske diplome,
- potvrdu ili uvjerenje o najmanje tri (3) godine radnog iskustva na poslovima iz oblasti kojim se bavi Javna ustanova,
- uvjerenje/certifikat ili potvrdu o aktivnom znanju jednog stranog jezika izdatu od škole ili druge institucije koja se bavi edukacijom stranih jezika, diplomu ili drugu ispravu koja potvrđuje stečeno zvanje ili zanimanje koje je neposredno vezano za znanje stranog jezika, uvjerenje o položenim ispitima s ocjenom iz pojedinih predmeta ili dodatak diplomi završenog fakulteta,
- program rada za mandatni period.

Prijave na Javni konkurs sa traženom dokumentacijom dostaviti putem poštanske službe preporučenom pošiljkom u zatvorenoj koverti na adresu:

Javna ustanova „Bosanski kulturni centar Kantona Sarajevo“

Ul. Branilaca Sarajeva br. 24, 71000 Sarajevo,

sa naznakom: **„PRIJAVA NA JAVNI KONKURS - NE OTVARAJ“**

Kandidati su dužni da na poleđini koverta napišu sljedeće podatke: ime i prezime, adresu stanovanja.

#### **V-INTERVJU**

Kandidati koji dostave blagovremenu i potpunu dokumentaciju biće pozvani na intervju.

#### **VI-PERIOD IMENOVANJA:**

Direktor Javne ustanove „Bosanski kulturni centar Kantona Sarajevo“ se imenuje na mandatni period od 4 (četiri) godine.

#### **VII-MJESTO OBAVLJANJA RADA I VRIJEME RADA:**

Javna ustanova „Bosanski kulturni centar Kantona Sarajevo“, ulica Branilaca Sarajeva br. 24, 71000 Sarajevo, Bosna i Hercegovina, radno vrijeme 40 sati sedmično raspoređenih u pet radnih dana od ponedjeljka do petka.

#### **VIII-ROK ZA PODNOŠENJE PRIJAVA NA JAVNI KONKURS:**

Konkurs ostaje otvoren petnaest (15) dana od dana posljednjeg objavljivanja.



JAVNA USTANOVA  
BOSANSKI KULTURNI CENTAR  
KANTONA SARAJEVO

### **IX-NAČIN OBJAVLJIVANJA JAVNOG OGLASA:**

Konkurs će se objaviti u dnevnom listu „Oslobođenje“ dana 09. jula 2025. godine, "Službenim novinama Federacije Bosne i Hercegovine", web stranici Ministarstva kulture i sporta Kantona Sarajevo i web stranici Javne ustanove „Bosanski kulturni centar Kantona Sarajevo“.

### **X-NEPOTPUNOST I NEBLAGOVREMENOST:**

Nepotpune i neblagovremene prijave se neće razmatrati.

### **XI-DODATNA PITANJA:**

Sva dodatna pitanja u vezi Javnog konkursa kandidati mogu postaviti putem e-maila na [info@bkc.ba](mailto:info@bkc.ba).

### **XII-NAČIN I ROK OBAVJEŠTAVANJA:**

O rezultatima Javnog konkursa kandidati će biti pismeno obavješteni u roku od 8 (osam) dana od dana donošenja Odluke o imenovanju direktora.

Broj: 04-2-606-2/25  
Sarajevo, 30.06.2025. godine

Predsjednik Upravnog odbora

Mirsad Čarić

